

2g. Ko e hā ha tufakanga/me'a'ofa te ke fiema'u mei he kaungā ngāué?

Ko hono langa hake 'o e koinōniá mo e Kakai 'o e Koló

Ko e konga faka'osi ko 'ení 'okú ne vakai'i 'a e founga 'e mahino ange ai 'a e founga ki hono langa hake 'o e kaungā ngāue fakakoinōniá, 'o lotolotoi 'i he kakai 'o e koló.

2 Kolinito 9 ¹² He ko e fai tokoni ni ma'a hotau kakai, 'oku 'ikai ngata pe 'ene 'aonga 'I he fakakakato 'o e masiva 'o e fa'ahinga tapu; ka 'oku ope atu foki ko e ngaahi fu'u fakafeta'i ki he 'Otua; ¹³ko e fakamalo'ia 'a e 'Otua 'e he kakai, koe'uhi ko e ngaahi me'a kuo ha mo'oni 'I he tokoni ni – 'a ho'omou fai ho'omou tukupa ki he Kosipeli 'o Kalaisi, pea mo e 'aufuato 'o ho'omou **koinōniá** kiate kinautolu pea mo e kainga kotoa pe; ¹⁴kae'uma'a 'I he'enau lotua kimoutolu, te nau faka'amu ke mou fe'iloaki koe'uhi ko e opeope 'iate kimoutolu 'a e kelesi 'a e 'Otua. ¹⁵'E, fakafeta'i mu'a ki he 'Otua, he'ene me'a'ofa ko ia 'oku ta'emalaua.

3a. 'E lava ke mou felotolotoi ko e kaungā ngāué 'okú ne lava ke fakatupu ha ola 'oku lahi hono lelei?

'I he ngaahi fehu'i ko 'ení, fakakaukau tautautefito ki he kulupu he koló, 'a ia 'e lava ke mou fevahevahe'aki 'i ha kaungā ngāue *fakakoinōniá*.

3b. Ko e hā ha ngaahi vīsone pe faka'amu 'oku mou kaungā ma'u fakataha?

3c. Ko e hā ha ngaahi faikehekehe 'oku hā mahino mai?

3d. 'E lava ke fokotu'u 'a e kaungā ngāue ki he lele loloá? 'E lava ke fokotu'utu'u 'a e kaungā ngāué ke ne matu'uaki 'a e ngaahi taimi faingata'á? (fakataha 'a e taimi matangi koví mo e taimi 'o e mamahí)?

3e. Ko e hā ha ngaahi me'a 'oku lava ke mou fai ma'ae kakai 'o e koló?

3f. Ko e hā ha me'a 'e ala foaki kiate kimoutolu? Ko e hā ha me'a te mou loto ke mou tali?

Fekumi ki he Koinōniá

Ako Fika Tolu

Ko hono Ngāue'i 'o e Kaungā Ngāué

Koinōniá

'I he ako kuo 'osí na'a tau fevahevahe'aki ai ki ha konga mahu'inga 'e fā 'o e koinōniá. Fakamoleki ha ki'i taimi ke ke toe fakamanatu ai 'a e ngaahi fakakaukau ni.

Kaungā Ma'u Fakataha: kaungā ngāué mo e taumu'a 'oku tatau.

Kehekehe: kaungā ngāue 'oku 'i ai honau faikehekehe.

Kaungā Fononga Fakataha: kaungā ngāue kuó na loto ke na fononga fakataha.

Fevahevahe'aki 'o e Ngaahi Tufakangá: kaungā ngāue kuó na felotoi ki hono foaki atu mo e ma'u mai 'a hona ngaahi tufakangá, mo tokoni'i ha ni'ihi kehe.

Langa hake 'o e koinōniá 'i he loto'i fai'angalotú.

Na'a tau kamata'aki 'a hono fehu'ia 'o e kaungā ngāué, 'i he loto'i fai'angalotu 'oku ke kau ki aí. Fakakaukau ki he mo'ui mo e ngāue 'a ho siasi fakakoló, pea ke fakakaukau ki he potutohi ko 'ení.

Ngāue 2 ⁴² Pea na'a nau nofo faka'utumauku ki he faiako 'a e kau Aposetolo, mo e **koinonia**, mo e pakipaki 'o e ma, mo e ngaahi feingalotu. ⁴³Pea na'e hoko ha ilifia ki he loto kotoa pe: na'e lahi foki 'a e ngaahi me'a faka'ofa mo e ngaahi faka'ilonga na'e hoko 'i he kau Aposetolo. ⁴⁴Pea ko kinautolu kotoa pe na'e tui na'a nau fa'a nofo fakataha, pea na'a nau matu'aki me'a taha. ⁴⁵Pea nau fakatau atu honau ngaahi tofi'a mo e nga'oto'ota; mo nau tufa 'a e pa'anga na'e ma'u ki he kakai kehekehe, 'o fakatatau ki he'enu masiva.

1a. Ko e hā ha kongā 'o e koinōniá 'oku hā makehe kiate koe mei he potutohi 'i 'olungá?

'I he ngaahi fehu'i ko 'ení, fakakaukau tautautefito ki ho fai'angalotu fakakoló, pea mo e laumālie 'o e *koinōniá* 'oku hā 'i aí.

1b. Ko e hā 'a e vīsone 'a ho vāhenga ngāué 'oku nau fevahevahe'aki ai mo ha siasi 'e taha?

1c. 'Oku 'i ai nai ha faikehekehe, 'i he tuí mo e ngāué?

1d. 'Oku anga fēfē hono tali, fakamahu'inga'i, mo hono fakahoko 'i he mo'uí ha ngaahi faikehekehe?

1e. Faka'ilonga'i ha mōmeniti 'e ua ko e mōmeniti 'o ha "kupenga 'oku fonu" ('a ia ko e mōmeniti lelei)

1f. Faka'ilonga'i ha mōmeniti 'e ua ko e mōmeniti na'e "matangi mālohi."

1g. 'Oku anga fēfē 'a ho'o 'oange ha faingamālie ki he kakai ke nau foaki ki he siasí?

1h. 'Oku anga fēfē 'a e ma'u mai 'a e siasí mei he kau mēmipá?

Ko e langa hake 'o e koinōniá mo ha fai'angalotu kehe

Ko e ngaahi fehu'i ka hokó 'okú ne pole'i koe ke ke sio ki he fekau'aki 'a ho fai'anga lotú mo ha fai'anga lotu 'e taha. Ko e fekau'aki ko 'ení 'oku 'i he vaha'a ia 'o ha ongo fai'angalotu 'i ha siasi pē 'e taha, pē ko ha fai'angalotu mei ha siasi kehekehe. 'Oku fekau'aki 'eni pea mo 'etau mahino'i 'a e fakakaukau 'o e kaungā ngāue *fakakoinōniá* 'i he siasí fakakātoa.

Kaletia 2 ⁸ (he ko ia na'á ne tokoni ma'a Pita ke ne lava 'ene ngāue faka'apostolo ki he ha'a Kamu, na'á ne tokoni foki ma'aku ke u lava 'eku ngāue ki he Senitaile:) ⁹'io, ko Semisi mo Kifasi mo Sione, 'a ia 'oku lau ko e ngaahi pou, 'i he'enu vakai 'a e kelesi kuo tuku mai kiate au, na'a nau tuku mai kiate au mo Panepasa 'a e nima to'omata'u 'o e *koinōniá*, koe'uhi ke 'amaua 'a e ngāue ki he Senitaile, kae 'anautolu 'a e fai ki he ha'a Kamu.

2a. 'Oku totonu nai ke te fakakaukau ki ha fai'angalotu 'e taha 'oku kehe 'a 'ene ngāue fakalotú, kā 'oku 'i he kaungā ngāue fakakoinōniá tatau?

'I he ngaahi fehu'i hokó, fakakaukau tautautefito ki ha fai'anga lotu 'e taha, 'a ia 'e lava ke mou kaungā ngāue fakakoinōnia.

2b. Ko e hā ha ngaahi me'a 'oku mou tatau ai 'a ia 'e lava ke ne fakataha'i kimoutolu?

2c. Ko e hā 'a e ngaahi founga kehekehe 'oku fakahā'i ai 'a ho'omou tui fakalotú?

2d. 'E lava ke ke tali 'eni?

2e. Kapau 'okú ke 'i ha kaungā fononga tatau – pea 'oku mou 'i ha tu'unga tatau foki - 'oku mou fevahevahe'aki 'i he taimi faingamālié, mo e taimi faingatāmakí fakatou'osi?

2f. Ko e hā ha tufakanga 'e lava ke ke 'omai ki he kaungā ngāué?